

Scamond da far fiug absolut

Preziai convischins, preziaj hosps

El mument regia ina gronda sitgira. Ord quei motiv ha igl uffeci d'ual e prighels dalla natira relaschau in scamond absolut da far fiug el liber. Cheu in per respostas sin savens tschentadas damondas:

Tgei munta in scamond da far fiug absolut?

In scamond da far fiug absolut munta, che mintga fiug el liber ei scumandaus. Lubiu ein soli grils da gas ni electro.

Sche jeu mettel a disposiziun indrez spezials per stizzar fiug, astgel jeu lu far fiug?

Na, e « cun pumpiers sil plaz » astga buca vegnir fatg fiug.

Astgan fueinas publicas vegnir duvradas per far fiug?

Na, era tier fueinas publicas astga buca vegnir fatg fiug.

Cu vegn il scamond schligiaus?

In scamond astga pér lu vegnir schligiaus, cura ch'ei ha pluviu minimum 2 dis redeivel senza interrupziun. Ina schligiaziun vegn communicada sur las medias e sin tabla nera.

Stos jeu surprendre ils cuosts, cura ch'ils pumpiers vegnan clamai?

Gie, persunas, che setegnan buca vid il scamond, ston surprendre ils cuosts per survetsch da pumpiers e polizia.

Tgei stos jeu far, cura ch'jeu percorschel in fiug?

Immediat alarmar ils pumpiers sur il clom d'agid 118. Pli spert ch'ei vegn alarmau, pli pign il donn.

Astgel jeu envidar sin terren privat in fiug?

Na, in scamond absolut vala era sin terren privat.

Nus essan pertscharts, ch'ina jamna da campadi ni jamna da camp senza fiug ei negina aventura endretga. Sche Vus pondereis denton, ch'in fiug egl uaul en nossa regiun munta era la destrucziun digl uaul da protecziun, ch'ei dat cuosts enorms da stizzar e plontaziun e buca sco davos era igl aspect dalla cuntrada, che vegn destruida, haveis Vus segir capientscha, che las autoritads reageschan delicat, finalmein lein nus metter a disposiziun era vinavon nossa natira intacta per vacanzas. Engraziel fetg per la capientscha!

Suprastonza communal Breil/Brigels

